

Jöör käl käge kiper Tiibii

Rang käge manynyi kiperngø?

Døktør mari manynyagø kiper nee thäk käge mo ö wøk kanyo wøli nee käle. Laabarathööri käge neene neenø kiper twøngi mo täw mar obäw (Tiibii) Rang käge mooï bee jöö mana beer kiper nee joot wala Tiibii dagø dööri. Ni näk mo iino lony nii löönyö ki kiinë mo Tiibii, rang käge mooï bee ena jöö mo beer kiper nee ngäc ki man näk kiinë tiiö. Kiper nee ngäc ki man näk rang tiir, manynyagø kiper nee time ni käge mo ö wøk kanyo wølli käla yo obäw kuya. Käga mo käla yo obäw mari cooth nwaang nee ree ee maaø. Laaw mo käla dhii kwel. Laaw kär lwøri.

Jöör tiic: Ni näk mo käga bungö mo ööa wøk kanyo wølli, päär jwiëy ki pii mo liëth wala dhiithi mar pii mo moorø.

Jöö man lwør käge ki gø

Døktør wala akiim mari i mwøø mwøø ki kap mar laacthic mo opääö kiper käl kägë mooï. Caath køør jappi ni beer:

1. Kap tøng døc. Dhee kär jappi këel kanyo time ni dööri kønyi kønyö ki gø.
2. Kanyo päyi ka amööla kiree (nii poot kär cämö wala poot bäng gin mo yii maadhø), thooth lagï ni øøgi dhii ki pii. Dööri kär kønyö ki gir lwøk dhøk.
3. Ni näk mo lony, kwøng døny wøk wala jap dhi øt awääri ni käge poot kari lwørø. Manøgø kunynyö kiper gwøk jey møga ki twøngi mo Tiibii kanyo wølli.
4. Jwiëyi døc ni meyi ngëeti ki cikøndi abiic. Kuuth jamø wøk mëeth mëeth. Cäng jwiëy døc ni wølli døc këel kanyo dee kägë mo ööa dhii.
5. Ngool käge yi kap mar laacthic.
6. Tiïyi këel kanyo piic käge ri liinye mo miililithir 5 (wala mo pöödhö) ki ri kap mar laacthik. Manøgø bee käge mo teeng ya apaar nywiënyö 1.
7. Gïna näk omwön dhi kap jappi mëeth kiper nee ba jee.
8. Dwäy mana lwøri käge yie göör bäät kap.
9. Kap kith yi karthöön wala beek mana cip akiim jiri.
10. Cip kap ji øt jaath wala akiim mari. Lony ki man kithi kap yi thilaaya ki wäär ni näk mo lony. Kär kith yi piriier wala kär tiïyi nee bëede yi lith piny mar yi øtø.